

Атамекен

Жасыл жайлау, түкті кілем, көк кілем
Көк кілемде көп аунаймын, көп күлем
Мандайымнан сипап өткен самалды
Қазағымның алақаны-ау деп білем

Қайда жүрсем Атамекен
Көкейінде жатады екен
Күннің өзі ұясына
Қимай оны-ай батады екен

Жасыл жайлау, түкті кілем, көк кілем
Көк кілемде көп аунаймын, көп күлем
Күннің нұрын, айдың аппақ сәулесін
Қазағымның махаббаты-ау деп білем

Қайда жүрсем Атамекен
Көкейінде жатады екен
Күннің өзі ұясына
Қимай оны батады екен
(Күннің өзі ұясына
Қимай оны батады екен)

Жасыл жайлау, түкті кілем, көк кілем
Көк кілемде көп аунаймын, көп күлем
Асқар тауын аспаныммен таласқан
Қазағымның мәртебесі-ау деп білем

Қайда жүрсем Атамекен
Көкейінде жатады екен
Күннің өзі ұясына
Қимай оны-ай батады екен

Қайда жүрсем Атамекен
Көкейінде жатады екен
Күннің өзі ұясына
Қимай оны-ай батады екен